

A. D E H A E N,  
MEDICI HAGA-BATAVI,  
D E  
COLICA PICTONUM,  
DISSERTATIO.



*HAGÆ COMITUM,*  
APUD E. DE HAEN, BIBLIOPOLAM.  
*M. D. CC. XLV.*



VIRO NOBILISSIMO  
DOCTISSIMOQUE  
GERARDO VAN SWIETEN.  
MARIAE THERESIAE  
AUGUSTISSIMAE ROMANORUM  
IMPERATRICIS  
HUNGARIAE ET BOHEMIAE, ETC. ETC.  
REGINAE, ETC. ETC.  
PRIMO MEDICO, SUPREMO  
BIBLIOTHECARIO, ETC. ETC.

S. P. D.

ANTONIUS DE HAEN, MEDICUS  
HAGA-BATAVUS.

Prodit tandem levidensis mea, cui  
P concinnandæ dudum insudasse me  
nosti, *de Colica Pictonum* Differ-  
atio. Probe meministi, quam moesti sæpe



## C E P I S T O L A

ambo absconditum Morbi Genium mutu  
literis deploraremus. Doluere hoc omne  
Boni ; quum haud exigua Mortalium  
pars hisce ærumnis quatiantur quotidie  
pars tandem iisdem victi miserè succum  
bant. Augent animi dolorem tot editi  
Medicorum in hoc argumentum opera  
siquidem Autorum plerique, in morbo de  
lineando curandoque, vel aliorum op  
niones, ipsaque ad toedium usque verba  
quasi proprii Consilii inopes, passim mu  
tuantur ; vel spe meliora detegendi turp  
ter abjecta, curtam Artis incusant su  
pellectilem ; vel dubio vacillantes anim  
quædam hæsitantes, ac veluti problemat  
cè, proponunt ; vel denique leviorib  
successibus turgescences, & imprudent  
ex paucis concludentes ad plurima, eju

## DEDICATORIA.

modi pro certis venditant, quibus maturior usus, & serior ætas, minimè queant suffragari. Hinc nuperrimè Doctissimus noster *Grashuizius*, in præfatione egregii Operis sui *de Scirrhis & Cancris*, hanc *Pictonum Colicam* in Morborum diu quidem cognitorum, quoad curationem verò admodum incertorum Classe, mœstus locat, & ex animo dolet. Lugenda hinc meritò, hinc deflenda, acerba ingentis *Boerhaavii* mors: quem dira, heu nimium! Fata adeo immaturè oculis sustulere nostris, ut, quam spem Illius Lectiones, aliquot ante obitum annis publicè habitæ, futuri quondam in hanc ægritudinem Commentarii nobis fecerant, ea jam planè præcisa sit. Unus quippe ille, ille solus, quandoquidem in ab-

## E P I S T O L A

ditissimas Mali latebras felix penetra-  
 set , ejusdem poterat & Diagnosin fi-  
 delem tradere , & salutarem Mede-  
 lam. Verum haud ita SUPERIS vi-  
 sum ! Ignavia torpuissent forsitan , desi-  
 dioſa cæteroqui fatis, Medentium pectora;  
 si quo fortunato pede tantus ille Vir in  
 multis ægritudinibus pertractandis coepe-  
 rat , eodem & reliquas absolviſſet. Præ-  
 cæteris ergo & hunc nodum Posteris ſol-  
 vendum reliquit ; ubi, quo fulgebat Can-  
 dore, pauca quidem ſua , ſed divina fe-  
 re , cum Diſcipulis communicârat. Hiſce  
 inſiſtens ego, Hoc Duce fultus, hanc qua-  
 lemcumque Opellam condidi. TIBI ve-  
 ro eam , VIR ORNATISSIME ,  
 præprimis dicandam eſſe duxi : tum quia  
 tot Favorum TIBI debitor exiſto , ut

nun-



## DEDICATORIA.

nunquam solvendo futurus sim; tum etiam quia *Boerhaavii*, id est, castæ Veritatis, vestigia premere conatus, TE, ceu altero *Boerhaavio* opus habeo, qui me, talia ausum, adversus Invidorum technas, & Veritatis odia, fartum tectum tuearis; tum denique quia ex optatissimo Literarum commercio, quod mihi TECUM a tot annis intercessit, & etiamnum intercedit, multum mihi Lucis affulsit, quo demum rem ex Cimmeriis, quibus sublitescebat, tenebris educam, enodare satagerem. Uti ergo temporis tui, IMPERATORIÆ SALUTI, & toti Reipublicæ Medicæ, sacri, vel paucula momenta hisce perlegendis non deneges, neque una cum hisce TIBI devotissimum credas, ac Tuam sub tutelam benevolus

## EPISTOLA DEDICATORIA.

nevolus excipias, etiam atque etiam rogo:  
Vale cum Caris tuis! ac diu præsis SUM-  
MÆ PRINCIPIS tuendæ & Imperio,  
& toti Orbi, adeo caræ, Saluti; Reique  
augendæ Medicæ!

*Dabam Hagæ Batavorum*

*24. Novembris 1745.*





D E

# COLICA PICTONUM

## DISSERTATIO.

Orbi discussionem adgredior, quem masculæ Medicinæ temporibus ignotum, sequentes ætates confuse adeo tractari viderunt, ut Methodica ejusdem Descriptio & Curatio in Arte hucusque desideratæ fuerint.

At vero non is ego sum qui hoc operis arbitrer me absolvisse: tantos spiritus, tantamque arrogantiam absit mihi unquam sumserim! At opportunitatem videndi & examinandi hujus morbi crebriorem nactus, simul a Divina Providentia mihi datam esse credidi, eundem penitus introspiciendi, imisque è fundamentis eruendi, provinciam. Factum hinc, ut, quotquot potui comparare Autores, diurna versans nocturnaue manu, seorsum notaverim quid singuli quique hanc in rem commen-

tati essent: ut propria dein Observata in Chartas conjecerim: hæcque demum & varia, & multa, cum Antiquorum Doctrina contulerim. Atque hinc tandem nata est Morbi utcumque Methodica cum Descriptio, tum Curatio.

Bipartitus proin erit tractatulus. Principio paucis sistet Autores, qui de hoc morbo scripsere; simulque eorundem morbi cognoscendi & curandi methodum tradet. Dein dabit ejusdem morbi Descriptionis & Curationis methodicè tractandæ specimen.

## C A P U T. I.

*Sistens autores qui hunc morbum tractarunt, atque eorundem omnium generale argumentum.*

Origo  
nominis.

VOCatur, de quo agitur, Morbus, *Colica Pictonum*, vel *colica Piclavensis*, nomine admodum inproprio. *Pictones* seu *Piclavenses* vocantur incolæ Galliae occidentalis provinciae, cujus primaria urbs *Pictavium* audit. *Franciscus Citesius Piclavensis*, 1639. ediderat *Diatribam de Novo & Populari apud Pictones dolore colico bilioso*. Fatetur autem idem *Citesius* morbum non solis Pictonibus familiarem ab ipso



ipso sui initio fuisse, sed & simul Armo-  
ricis, Santonibus, Engoulismensibus, &  
toti ferme Aquitaneæ. Imo scribit ipse  
*P. Milonem, Henrici IV.* Medicum, hunc  
morbum *Lutetiæ* dudum observasse, Me-  
dicisque, ejusdem adhucdum ignaris, tunc  
indicasse: *Fernelium* sub idem tempus eun-  
dem observasse sub Continuarum, Tertia-  
narum, & Quartanarum Febrium finem:  
*Hollerium* malum *Britonibus* familiare scrip-  
sisse: Ex *Dröeti* scriptis patescere in *Pi-  
cardia* 1572. cum fuisse epidemicum: Ex  
*Langii* Libr. 2. Epist. 38. liquere morbum  
notum fuisse in *Moravia*, *Silesia*, maxi-  
maque inferioris *Germaniæ* parte: *Cratonis*  
Epistolas de paralyfi ex colica nata anno  
1582. scriptas; nec non *Paracelsi*, ejus-  
que Antagonistæ *Erasti* opera, idem evin-  
cere. Perperam proinde *Citesium* nominis  
autorem statuunt, inter quos *Theod. van  
Zelft*, belgico tractatulo anno 1739. de  
*Podagra & scorbuto*. Sed quum famam  
sibi maximam conciliasset *Citesius* tractatu  
suo sane lectu dignissimo, multi deinceps  
autores ejusmodi Colicam observantes, &  
cum citesianis de pictonum Colica confe-  
rentes, Colicæ huic *pictavensis colicæ*, seu  
*colicæ apud pictones popularis* nomen indi-  
derunt.



Varia  
morbi  
nomina.

Variis nominibus indigitatur in scriptis Medicorum. *Pestiferam* colicam *Paulus Ægineta* vocat *Lib. 3. cap. 23.* Qua eum appellatione & *Citesius* aliquando donavit. *Biliosam* Colicam dixere multi, quos inter *Milo*, *Citesius*, *Cabagnesius*, *Sennertus*, *Riverius*, *Craanen*, *Muis*. *Scrosum* vocavit *C. Piso*. *Scorbuticam* plerumque esse *Schenkii*, *Eugalenus*, *Jungken*, &c. statuerunt. *Convulsivam* *Baglivus* & aliquando *Jungken*. Colicam *Notham* definivit *Cabagnesius* nonnullis in locis.

Autores  
juxta  
tempo-  
rum se-  
riem, qui  
de hoc  
morbo  
mentio-  
num fa-  
ciunt.

Priscis Medicinæ ævis ignotus videtur Morbus. Quamvis enim *C. Piso* conatus fuerit asserere eum pluribus in Locis ab *Hippocrate* descriptum esse, tamen tanti Viri pace dixerim nimium contorta ab ipso fuisse citata *Hippocratis* loca. Vide *Tract. Pisonis de morb. seros. pag. 274. 275. edit. Leyd.*

Castissimus Naturæ, post *Hippocratem*, Observator *Aretæus cappadox*, hujus morbi nullibi ullam fecit mentionem.

*Paulus Ægineta*, qui sub Heraclio ineunte sæculo vij. floruit, primus ejusdem meminit, *Libr. 3. cap. 18. & 43.*

*Avicenna*, *Cordubensis*, Arabs è stirpe regia, florens medio xij. sæculo, in *Paralysios Historia* paucis hanc colicam

te-

tetigit, *æginetam* citans, & fere totum sine additamenti referens.

Altum posthac silentium morbi hujus apud Autores, usque ad xvj. sæculum fere medium; ex quo plerique omnes describere eum occœpere.

*Andreas Laurentius*, Henrici IV. galliæ Regis Archiater, nec non Monspeliensis Academiæ Professor, exeunte xvj. Sæculo edidit *Hist. anat. hum. corp.*, in eaque morbum, ceu pertransiens, describit.

*Felix Platerus* Basiliensis Tom. i. Prax. edit. anno 1602. hanc Colicam delineat.

*Carolus Piso*, Parisiensis, anno 1618. Librum edidit *de morbis a serosa colluvie & diluvie ortis*; graphice descripsit hanc colicam, quam primo a sese ait observatam apud Religiosos Cœnobii *Bellipratensis*, anno 1596. & septennio post in opulentissimo Cœnobio *Stabulensi*.

*Daniel Sennertus* Vratislaviensis, qui *Pisonis* ævo floruit, testantibus id primis ab ipso editis anno 1609. operibus, variam hujus Colicæ mentionem fecit. Vide Lib. i. part. 2. cap. 37.

*Jacobus Cabagnesius* Cadomensis, Medicinæ Professor regius anno 1616. *Cadomi* edidit libellum cui titulus: *Brevis facilisque Methodus curandarum febrium*; cujus

ad calcem adjecit peculiare caput de Colica pictavensi, ive simili.

*Nicolaus Fontanus* Amstelodamensis in *Florilegio* anno 1637. edito, de hac Colica sermonem habet.

*Franciscus Citesius* pictavensis, Ludovici xiiij. & Cardinalis Richelii Medicus, nec non Facultatis Medicæ Pictavensis Decanus, 1639. edidit, quam mox laudavi, *Diatribam de novo & populari apud Pictones colico bilioso*; quem circa annum a nato Servatore 1572. exortum esse scribit. Omnium optime de eo differuit, magnumque *Salmasium* hoc morbo fere confectum & a nullis medicis levatum, sanitati reddidit, ut ipse *Salmasius* testatur. Supra jam vidimus ex *Citesio* morbum innotuisse *P. Miloni*, *Fernelio*, *Hollerio*, *Dröeto*, *Langio*, *Cratoni*, *Paracelso*, *Erasmo*.

*J. B. ab Helmont* Bruxellensis, qui anno Domini 1644. obiit, de hoc morbo loquitur *Libr. de Flat.* pag. 401. *Libr. a seditione animæ ad morbos* pag. 281. Et *Libr. cui titulus jus duumviratus* pag. 289.

*Lazarus Riverius* Med. Regius, ac Professorum Monspeliensium Decanus, qui sub medium sæculi xvij. floruit, prax. med. *Lib. 10. cap. 2.* fusè hanc colicam tractat.

*Joannes Jacobus Wepferus*, qui medicus  
fæ



seculo elapso floruit , Epistolam scripsit *Schafbusiæ Helvetiorum , Vratislaviam ad Sachsum* , cujus argumentum versatur circa *paresin post Colicam ex vino*. Ait ejusmodi ægros sibi ab aliquot retro annis plurimum negotii facessivisse. Extat Epistola hæc in *Miscell. nat. curios.* anni 1671.

*Daniel Puerarius* Professor Genevensis anno 1678. edidit *Thomæ Burneti thesaurum* , cum observationibus propriis : longe lateque super hoc morbo differuit , in *Observ. ad Libr. 3. sect. 48. subsect. 13.*

*Thomas Sydenham* , ingens Angliæ fidus medicum , paucis rem attigit , process. integr. pag. 605.

*Thomas Willisius* tract. de anima brutor. cap. 9. paralytin ex colica natam exponere molitur.

*J. H. Jüngken* Med. prax. Lector edit. prax. Francof. 1689. pauca in eandem commentatus est.

*N. Craanen* Lugdunensis primo Professor , Brandenb. Electoris dein Medicus , circa finem superioris sæculi in *Lum. rational. Med.* cap. 5. verba de hoc morbo nonnulla fecit.

Eodem circiter tempore *J. Muis* Med. Batavus in *praxi Medico-Chirurgica rationali* Decad. 6. obs. 10. meminit Paralytios

utriusque brachii post colicam biliosam :  
at vero ut rarissimum hisce in oris mor-  
bum notat.

*G. Baglivus* Romanus, sub Innocentio  
xij. & Clemente xj. Professor, in prax.  
Med. part. 1. Cap. *de Colica* multa egre-  
gie differuit, quæ ad hunc scopum perti-  
neant.

*J. B. Bianchus* Taurinensis in *Anatomia*  
Professor in *Hist. Hepatica* 1725. edita, hanc  
Colicam describens, multus primo est in  
aliorum autorum referendis opinionibus,  
dein statuit esse morbum gravissimum, per-  
tinacem, curatu difficillimum; denique  
Lectores suos mittit ad *Citesii* de hoc mor-  
bo Tractatum.

*Anonymus* autor Amstelodamensis Medi-  
cus extat in *Eruditorum Diariis*, quæ  
vulgo *Bibliothèque raisonnée* appellitant,  
dignus profecto qui ob multa, quæ pro-  
fert, egregia, attento legatur animo. Vi-  
de *Biblioth. raison. tom. 8. art. 2. & tom. 9.*  
*part. 1. & 2.* Acta Edimburgensia quæ in-  
ter tot præclara inventa de hoc morbo ni-  
hil habent, tribus diversis in locis *Anony-*  
*mum* hunc laudant.

*Theodorus van Zelst* Beverovicus Medi-  
cus anno 1739. belgicè edidit tractatum  
*de Podagra & Colicis Scorbuticis*, in quo  
non-

nonnulla de hoc morbo sane non contem-  
nenda ; sed quæ tantum ex usu sunt , mo-  
ras ducente morbo : nam quæ in mali pri-  
mordiis requiruntur , ea ne tetigit quidem  
auctor ; nec illum etiam vidisse unquam a  
principio morbum , ex tractatu ejus admo-  
dum credile fit.

*Immortalis Boerhavius* in nullis editis a  
se operibus super hoc morbo differuit ;  
neque etiam toto fere Quadriennio , quo  
assiduus ipsius in privatis Institutionum ac  
Praxeos Collegiis auditor fui , verba de eo  
fecit. An quia publicis eum reservare  
Lectiōibus maluit ? Utique in Lectiōi-  
bus *de morbis Nervorum* , annis 1731. 1732.  
1733 1734. publicè habitis Cap. 2. sub ti-  
tulo : *de morbis ex affectione Nervorum ab-*  
*dominalium natis* , mira de eo , & egregia ,  
protulit , quæ ex dictitantis ore exacte ex-  
scripsi. Quumque Lectiōes hæ typis non-  
dum excusæ sint , obstrictum me arbi-  
tror , ut , quæ huc pertineant , publici  
faciam juris. En ipsius verba : Lect. 22.  
cap. 2.

„ Quandoque homines sani , (centenos  
vidisse me credo) nullam Causam incu-  
santes , incidunt in dolorem intolerabi-  
lem circa umbilicum , qui omni reme-  
dio resistit ; instar terebræ hæret ad In-

Sententia  
Boerha-  
vii super  
hoc mor-  
bo.



„ testina tenuia. Subsequitur Color palli-  
 „ dus, flatus, debilitas quædam. Hi,  
 „ postquam binos, ternosve paroxysmos  
 „ passi sunt, dolore colico se dicunt labo-  
 „ rare. Sed incipiunt perdere carnosum  
 „ habitum ad musculos moventes hume-  
 „ rum, plus ad brachium & ulnam, sed  
 „ maxime musculorum qui movent Car-  
 „ pum, Metacarpum, digitorum phalan-  
 „ ges: ita ut ab humero ad usque ungues  
 „ ossa tantum & tendines, membranasque  
 „ videas. Tandem morbus ille tendines  
 „ alligat ad Vaginas, & omnes illæ par-  
 „ tes gracilescunt. Morbus est frequen-  
 „ tissimus. Nihil sentierunt, nisi dolo-  
 „ rem ad umbilicum, ubi ileon intesti-  
 „ num. Clysmata aliaque alvum stipatans  
 „ nequiverunt movere. It malum, redit-  
 „ que. Effectus semper est Emaciatio  
 „ dictarum partium. Si diu duravit, pe-  
 „ des, & tibiæ, & femora, pariter affi-  
 „ ciuntur. Vocatur a Medicis *colica*  
 „ *pictorum*, quibus hominibus molestissi-  
 „ mus observatus est.

„ Quid mirabilius quam quod nervi in  
 „ Mesenterio aut Intestinis afficiantur,  
 „ & inde pereat actio dictarum partium.  
 „ Non est quod dicas Nervos communi-  
 „ care, & hinc fieri: nam undenam ergo

„ perire

„ perit Pinguitudo? & cur non alibi?  
 „ Pinguitudo quippe ita perit, ut Vaginæ  
 „ tendinum cum iisdem concrecant, &  
 „ vaginæ cum periosteo, vel aliis tendi-  
 „ nibus.

„ Pendet a singulari proprietate, hisce  
 „ in Nervis observata: quam explicare  
 „ nemo potest ex Legibus humani cor-  
 „ poris.

## LECT. 23. CAP. 2.

„ Circa discessum heri proponebam  
 „ morbum notissimum *Colicam pictonum*;  
 „ unde natus morbus in artubus superio-  
 „ ribus dictus *Paresis* sive *Remissio*: Eum-  
 „ que in ortu, sede, effectibus, descripsi.  
 „ Præcipue mirandum quod a nullo alio  
 „ ortu oriatur: (paresis enim tantum a  
 „ Nervis abdominalibus affectis:) & quod  
 „ non modo Spiritus ibidem afficiat, sed  
 „ quod pinguedinem crassiorem, arteriosi  
 „ Sanguinis sobolem, intercipiat; ac gra-  
 „ cilitatem, siccitatemque, inducat: un-  
 „ de tandem, tendine concrecente, Im-  
 „ mobilitas.

„ Quicumque hunc morbum bene ob-  
 „ servant, dicunt in opulentissima urbe,  
 „ Amstælodami, eum esse frequentissi-  
 „ mum.

„ mum. Pictoribus eum oriri, iisque qui  
 „ pigmenta de plumbo parant, qui fun-  
 „ dendo plumbo operantur, maxime qui  
 „ vetus plumbum purificant, & utensile  
 „ reddunt, unde pessimus Fumus oritur;  
 „ hos omnes eo morbo affici. Frequens  
 „ est & iis, qui per plumbum in fornace  
 „ figulinis vasis vitro incrustandis operam  
 „ dant; iis quoque qui opulenti redimunt  
 „ oleosa, fortia, spissa, Vina Rhenana,  
 „ habentia quid dulcis, quod suspicor esse  
 „ a plumbo. In Germania Suspensus fuit  
 „ Mercator, qui adulterando sic Vinum  
 „ ditissimum factus erat. Fatalis ars forte  
 „ adhuc viget. Colorem fulgentem ha-  
 „ bet vinum illud, gustu mite est quasi  
 „ sacchari saturni quid admistum habens:  
 „ & quoniam eos, qui tale Vinum bi-  
 „ bunt, sic affectos vidi, suspicor a plum-  
 „ bo esse.

„ Multos curandos habui, quibus qua-  
 „ tuor extremos artus planè exsiccatos vi-  
 „ di; sed per Succum mitiorum antiscor-  
 „ buticorum restituti sunt; per Balsami  
 „ peruviani, de copayba, assiduum usum,  
 „ per saponis veneti usum quotidianum,  
 „ per frictiones externas solius abdominis,  
 „ per Emplastra abdomini, non artubus  
 „ applicata, adhuc hoc anno plures curavi.

„ Dis-



„ Discimus inde quomodo affectiones  
 „ horum Nervorum habeant influentias  
 „ in remotas partes, & agant omnium hu-  
 „ morum lentissime motorum alienatione.

## ET LECT. 78.

De mira Nervorum distributione fusè  
 agens, rem sic explicat:

„ Sequitur jam mirabilis Constitutio  
 „ artuum superiorum. *Galenus*, *Vesalius*,  
 „ & optime *Eustachius*, docent quod ad  
 „ solos humerum, brachium, carpum, &  
 „ digitos, ferantur quinque ingentes ner-  
 „ vi, mirè implexi, sub axillis distribu-  
 „ ti, & evanescentes in hunc artum. U-  
 „ nus *Eustachius* appinxit nervum com-  
 „ municantem cum quinque paribus hisce,  
 „ facientem primam Causam motricem,  
 „ qui ramus habet commercium cum  
 „ nervis Viscerum inferiorum.

„ Nil mirabilius, quam quod Paralysis  
 „ absoluta artuum superiorum cum exsic-  
 „ catione oriatur, a Colica pictonum,  
 „ hærente in solo mesenterio. Morbus  
 „ creberrimus est; & patet hinc Commer-  
 „ cium esse maximum in his nervis.

*Acta parisiensia*, tota quanta, memorabile  
 nihil, quod huc spectet, referunt.

*Ephemerides naturæ Curiosorum*, nonnul-  
 la

la habent , quæ scopo nostro inserviant ; quale quid pag. 6. de *Wepfero* citavi ; cæterum videntur cum allegatis autoribus omnia convenire.

*Acta Edimburgensia* nihil continent, quod morbus hicce illustrari queat.

Omniū  
autorū  
observata  
de Dia-  
gnosi hu-  
jus mor-  
bi

Omnes memoratos autores sedulo pervolvendi constabit *Colicam pictonum* eum morbum esse, ubi violentissimus, isque perseverans diu dolor, Ventri innascitur, cum alvo nullis irritamentis referenda, abdomine introtracto, vomitu, vigiliis, & subsequente Paralyfi, aut Convulsione, aut Lethargo, aliisve pessimis Symptomatibus.

de Causis  
proegu-  
menis

Ex iisdem colliguntur *Proegumenæ Causæ* hæc esse : Contagium ; Febres male curatæ, præcipue intermittentes ; Temperamentum ficcius ; Vina varii generis, Vina plumbi præparationibus adulterata ; plumbum ipsum ; temperies scorbutica, rheumatica, arthritica, podagrica, melancholica, atrabiliaria ; pituita vitrea ; acor Vintriculi etc ; menses suppressi, Lochiave ; meconium ; lac colostratum ; Dentitio ; Venena varia ; sexus rerum non naturalium abusus.

de Causis  
proca-  
tarcticis.

*Procatarticæ causæ* Iphis numerantur, inhibita perspiratio ; ira, aliave animi pathemata, humores multum exagitantia ; Vic-

tus



us in otio, soloque uliginoso, opiparus;  
 nonnulla vina; anni tempestas autumnalis,  
 yemalis, borealis; ac præprimis pertina-  
 ior alvus.

*Causa proxima* horum autorum quibus- De Causa  
proxima.  
 am censetur biliosa materies inter ipsas  
 effusa membranas; serosa aliis; Convulsi-  
 us quibusdam motus audit; aliis spasmo-  
 icus; denique conditio talis, quæ ineffa-  
 ili prorsus modo nervos adficiat.

In *prognosi* dixere, Colicam hanc ter- De pro-  
gnosi.  
 minari vel in mortem, vel in majorem mi-  
 nemve paralyfin; hancque paralyfin mor-  
 crisin esse, difficilem curatu, longam-  
 ue; vel etiam in Lethargum nonnum-  
 uam; sæpe in Convulsiones, quæ essent  
 thales, aut secundum alios, alio quam  
 io tempore discriminis pleniores.

*Curationem* vario modo varii aggressi sunt. De cura-  
tione  
 onveniunt omnes fere in Enematum usu:  
 quæ multa plures; quæ obnitente natura  
 uca prudenter applicanda nonnulli; quæ  
 olia, discutientia, eccoprotica, fere om-  
 s; quæ fortia penetrantia, unus alterve,  
 æscribunt. Plerisque etiam, ubi ple-  
 ora adest, & ferox malum, *Venæ sectio*  
 ridet; quam eandem tamen alii vitupe-  
 nt. *Purgantium usum* quidam paresios,  
 io & mortis causis annumerarunt, non-  
 nulli



nulli utcumque *suspectum* habuerè ; alii  
 eorumdem *ne meminerunt quidem* ; *Lenissi-*  
*ma* plerique præscripserunt, quidam *dras-*  
*tica*. Emeticorum repetitus usus tum in  
 prophylaxi, tum in Curatione, suis non  
 caruit encomiis. Quin nec defunt Me-  
 dici, qui Res actu frigidas affatim  
 comedendas, ipsamque aquam geli-  
 dam, intus extusque adhibendam, imo  
 nivem ventri obvolvendam, audacter scri-  
 bant. *Neurotica* in arte dicta a paucis  
 commendantur. Laudarunt alii *Sudor fe-*  
*ra*, quæ detestantur alii. *Balneorum* usu  
 encomio multorum gaudet, aliorum vero  
 methodo exsulat prorsus. *Opium* suspectum  
 nonnullis, paresios causa aliis, quibusdam  
 egregium remedium, sed caute dandum  
 audit. *Antiscorbutica* fere omnes vocarunt  
 in usum. *Asininum lac* laudibus apud non-  
 nullos quamplurimis insignitur. *Sapona-*  
*cea & Balsamica* hinc inde præscripta legi-  
 mus. *Medicati fontes* sua etiam laudē  
 haud caruere. Partes paralyticas ipsas *fric-*  
*cant* omnes *inunguntque* ; nisi quod unus  
 aut alter totam frictionis & inunctionis vim  
 in solum abdomen converti velit. Mol-  
 liore ad fricandum materie utuntur qui-  
 dam, penetrantiore alii ; alii iterum nat-  
 sturtio cum aceto fortissimo tuso mem-  
 bi

bra ante fornacem fricant. Commendatur ipsa partium paralyticarum cum urticis instituenda flagellatio.

Atque hæcce suffecerint, ut quæcumque ab Antiquitate remotiore in hoc usque sæculum circa hunc morbum dignoscendum curandumque notata fuerint, liquido constent. Multa profecto, eaque egregia, multi dixere; sed confusè adeo, & obscurè, ut expositionem variorum in eo observatorum phænomenôn adæquatam, & juxta hanc expositionem formatam legitimam curandi methodum, frustra inquisiveris.

Sed simul constat citatorum autorum quosvis de Morbi tum natura causisque, tum curatione, veri quidem aliquid protulisse; exactam vero ejus historiam Medicam exarasse, curandique methodum tradidisse Neminem, immortalem ubique si exceperis *Boerhaviū*. Is quippe unus ex veteris Artis fundamentis pauca protulit, sed verissima; quæ sola viam sternant, qua ii, quibus explicare phænomena, & curam legitimam tradere, animus est, incedant oportet. Hac unica via morbum purè analyticè meditor tractare.

## CAPUT II.

*Exhibens Colicæ hujus Descriptionis & Curationis Methodicè tractandarum specimen.*

## §. I.

De mor-  
bi Signis.

**S**I dolor fixus, plerumque ferocissimus, prope umbilicum, cum inani prorsus applicatione Enematum, Epithematum, Cataplasmatum, Remediorumque ore assumtorum, imo potius, cum dolorum augmento, cum Ventris introtractione, contra quam in aliis Colicis observare contingit, cum Podicis sæpe clausura firmissima & Introtractione, cum Vomitu, Febre majore minoreve, Pervigilio, &c. *Colicam pîctonum* vocant.

Sin & Convulsiones accedant, brevique sequatur major aut minor Paralyfis, eo audacius id ipsi Nominis imponunt.

## §. II.

Causæ  
proegu-  
menæ &  
proca-  
tardicæ.

Antecedunt hanc Colicam I. *Assumptæ Venena*. Ita *Wepferus*, *Ramazzinus*, *Anonymus Amstelodamensis*, & imprimis *Boerhavius*,



*vius*, statuunt. Estque frequentior, quam passim credunt, hæc antecedens causa. Hinc Pictoribus, tot plumbi præparatis, aliisque Venenis, utentibus, admodum familiarem affirmant. Quare *Boerhaave* inter præcipuas Morbi Causas hanc adducit 1. Quia, ut ait, frequens observatur iis, qui plumbo parando, purificando, fundendo, in pigmentis utendo, fictilibus vasis eodem incrustandis, victum præparant. 2<sup>do</sup> Quia frequentissima observata est hominibus Vino plumbi præparationibus adulterato, utentibus, aut imis usis.

Accensetur quippe plumbum Toxicis, quæ constringendo, obstruendo, exsiccando, cita vel lenta morte perimunt. Sic *Boerhaave* Instit. §. 1143. Et fusius hoc explicat, in Chemiæ part. 2. process. 171. gens enim de Cerussa, „Pulvis ille tenuis, inquit, inspiratione ductus in Pulmonem asthmata creat, terribilia, insanabilia fere, tandem lethalia. Si ore receptus deglutitur cum saliva, pessimos creat morbos visceribus, languores, debilitates, dolores, oppressiones intolerabiles, tandemque mortem. Tetra hæc mala, at quotidiana, videntur apud eos, qui plumbum quomodocumque tractant,

„ maxime autem qui album plumbi conficiunt. Caveant homines venenum, quod odore carens & sapore, tanto perius afficit, quo irreperit tectius; nec manifestat, nisi in devictis jam corporibus.

Antecedunt 2. *febres* continuæ intermittentesque male curatæ. Plurimi autorum recensitorum id passim affirmant. Manent hinc obstructions viscerum facile in hydropem, scirrhus, &c. mutandæ: Manent hinc Scorbutica dispositio, ut pulcre notavit *Sydenhamus*; qui post peruvianæ corticis usum frequentes reperiit Hydropem & Scorbutum: quæ scorbutum attinent, ea mox explicabuntur.

Antecedit 3. quoque *Dispositio humorum acris* Scorbutica, Rheumatica, Podagrica, Melancholica. *Sennertus*, *Schenckius*, *Engalenus*, *Anonymus* & *Boerhavius* five morbi describunda Natura, five in tractanda ejusdem Curatione, Scorbutum maxime videntur incusasse. Porro perquam similes & affines scorbuto reliqui mox adligati morbi deprehenduntur; dicente ipso *Boerhavio* Aphor. 1490. „ Arthritidi, Podagræ, Scorbutoque agnatus morbus, Rheumatismus. Ita quidem, ut plurimum symptomata habeant inter sese communia, neque etiam in Origine multum a se invicem

em discrepent. Qui proin apud ple-  
osque Autores, & maxime apud magnum  
*Boerhaviū* singulorum horum morborum  
itē examinarit historiam, comperiet vel  
usque Pictavenſis Colicæ facta mentione  
Colicam cum Convulſione, Paralyſi, &c.  
Scorbuti, Podagræ, Rheumatismi, ac  
Melancholiæ tradenda descriptione, deli-  
catam eſſe. Quotquot etiam exempla  
feruntur ab Autoribus, pleraque om-  
a demonſtrant in Prædiſpoſitione fi-  
ile quippiam latuiſſe; quæque obſerva-  
ego, utique Vini uſui, ſpirituorum-  
e, vel ſcorbuto, eive agnatis morbis,  
ultum deferre debui.

Antecedit 4. *impedita perſpirationis*. Hanc  
uſam *Citeſius*, *Baglivus* & *Anony-*  
us, allegant: ac peſſime eos affici,  
i perſpirationem impeditam patiuntur  
pedibus, multiplici exemplo *Baglivus*  
monſtrat; teſtaturque experientia quoti-  
ana pluribus hanc ob cauſam Colicos  
lores ſolemnes eſſe. Plurima Scorbuti-  
rum, Rheumaticorum, Arthriticorum,  
Melancholicorum ſymptomata, ex impedi-  
aut imminuta perſpiratione excuſcitan-  
, exaſperanturve. Videantur Autores,  
maxime *Boerhavius* ſuper his morbis.  
us *Sanctorius* hoc pluribus explicat A-



phorismis. Hæc impedita perspiratio vicifungitur procatarcticæ Causæ.

*Animi pathemata*, humores multum exagitantia, in procatarcticarum Causarum classe haud infimum obtinent locum. *Riverius* Libr. 10. cap. 2. iracundi exemplo hoc confirmat. Ira in Melancholicis, Podagricis, &c. multum furens observatur scopitos excitasse paroxysmos. Novi quibus fere restitutis ira, vel subitus terror, dolorem Ventri conciliet ilico, mox artubus motumque eorundem debilem per aliquot dies debiliorem reddat.

*Victus in otio opiparus a Pisone & Anonymo* inter has causas quoque recensetur nec sane immerito: accumulatur quippe iis hominibus alimenta minus apte subacta & facile in acorem degenerantia, in Intestinis, adeoque ansam facile præbent nascituræ colicæ.

*Vinum, alique valide stimulantés, atque acrescentes potus* huc referuntur a *Pisone, Wepfero, Citesio, Cratone, Riverio, Parrario, Anonymo, Boerhavio*. Dictus *Helmetio* Ventriculi acor, & per Archæum artus demandatus, huc etiam referri potest. Vina acidam acrimoniam apta nata sunt inducere; unde *Boerhavius* Institut. §. 70. de acrimonia ex yinis acidis aut acetis.

ta differens,, præ cæteris nimio usu as-  
 ,, sumta, ait, acre acidum serum facit,  
 ,, unde rheuma, podagra, & similia. Sti-  
 mulantes liquores acrimoniam generant ad-  
 huc pejorem. Vina recentia observantur  
 hic perquam noxia; quia multum adhuc  
 possident gas sylvestris, nervis adeo inimi-  
 ci, & spasmos anxietatesque enormes sæpe  
 excitantis. Vina plumbatis maxime adul-  
 terata incusant *Wepferus* & *Boerhavius*.  
 Vina nonnulla acria austeriuscula ab opti-  
 mis autoribus vim peculiarem huic exci-  
 tando morbo habere observantur. Videan-  
 tur in *Miscell. Academiæ Naturæ Curios.*  
 Dec. 1. a. 2. obs. 32. & a. 4. obs. 30.  
*Crato* quoque hinc colicæ apud *Moravos*  
 causam deduxit. Et scitè *L. Lemnius* Lib.  
 1. cap. 15. de *occ. nat. mirac.* narrat Bata-  
 vos ex vini Pictavenfis potu adeo morosos  
 reddi, ut uxores pugnis excipiant; a Rhe-  
 nano autem aliove generoso vino adeo blan-  
 dos fieri, ut easdem osculis impetant.

*Anni tempestas autumnalis, hyemalis,*  
*Borealis* causis accensetur excitantibus.  
 Nascitur hinc impedita perspiratio, &  
 lentior per exteriora motus: hinc necessa-  
 rio major,isque noxius, motus in inte-  
 rioribus; & acriorum alioqui exhalituro-  
 rum, retentio.

Tandem *Alvus diu pertinaciterque clausa* a *Citesio*, *Anonymo*, aliisque excitans dicitur *Causa*. Ut enim *Colicus dolor simplex* oritur sæpe a retentis, adeoque & plus stimulantibus, excrementis; ita ex persegni in *Prædispositis* hinc poterit *pictonum Colica* nasci.

### §. I I I.

Prognosis.

Prognosis hisce fere describitur:

*Colica pictonum* si vel sponte, vel facili opera solvi contingit, spatio 1. 2. septimanarum transit in sanitatem.

Sæpe *Mensem* unum durat alterumve, & necat: raro, quod sciam, citius occidit.

Aliquando vertentibus annis sub hyemem redintegratur, idque quatuor vel quinque sibi subsequenter annis.

Abit nonnunquam in *Lethargum*.

Sæpe in *Convulsiones* transit *lethales*.

Ut plurimum in *Paralysin* supernorum, infernorumve, imo omnium Artuum simul, abit.

*Colica* cum ipsa *Paralysi* sæpius redintegratur per aliquot sibi subsequentes annos.

Quin



Quin & in Hydropem mutatur post  
paralyfin, eumque ut plurimum lethalem.

Colica aliquando paralyfin comitem ha-  
bet, sine ullo dolorum remiffu.

Vomitus perpetuus, haud fiftendus;  
ulfuum intermiffio, debilitafque; Fœx  
vina vel nulla, vel per longum tempus  
ruca, dura, parva, alba, ovillorum  
ercorum infar; Convulfio; Lethargus;  
œcitas; Aphonia; Doloris, post adhi-  
ta remedia, augmentum; Hydrops post  
paralyfin; frequentia funt præfagia peri-  
li in hoc morbo, vel mortis.

A Plumbo, à vinis varia plumbi præ-  
ratione adulteratis, ftrenuè, diuque,  
Corpus acredine humorum magna & in-  
terata laborans, ingeftis, nata hac Co-  
ra; magni & longi moliminis eft Cu-  
tio.

In Corpore graviffima podagra affici  
nfueto, jam dudum ftatis haud affecto  
mporibus, admodum mala.

Ulcufculo nato in pede, perpetuo ma-  
nte, præcipue in podagrico, morbum  
wat.

Quæ recidivas habet plures, easque  
fteriores prioribus graviores, fere le-  
alis.

Quæ diuturna, quæ cum perpetua ac

perfecta deglutiendi retinendique impotentia, pessima.

§. I V.

Inspectio  
Anato-  
mica.

Cadavera hoc morbo defunctorum exhibuere inter Jejuni tunicas tumorem anserini ovi magnitudine, synceram Bilem eamque æruginosam, profundentem. Hun Milo anno 1592. demonstravit præsent Citesio. At morbi symptoma hic potius quam Causa fuit; ut ipsa docent phænomena morbi. C. Pifo de coll. ser. sect. 2. cap. 2. demonstravit in ejusmodi Cadavere copia haud parva feri encephalon repleti, ubi Cerebrum locatur; totum principium spinalis medullæ, nervosque hinc inde in vertebrae propagatos, in aqua plurima innatare; aperto demum Cerebello non solum Ventriculum quartum aqua scaterere, sed & substantiam ipsam eadem prægnantem totamque imbutam. Hinc egregius autor morbi totius Causam proximam sibi visus est intellexisse, & system suum de morbo hoc ex feri copia & fitu nato confirmasse. At pace Manium Pisoniorum dixerim hoc exin deduci non posse. Potuit quippe serum natum fuisse

pos

post Colicam ; quando , reddito prius corpore paralytico , humida inertia & vappida , solidaque flaccida , feri generandi occasionem præbere potuerunt. Hoc longe videtur priore probabilius. Estque hic egregiorum Virorum in perscrutandis Cadaveribus solertissimorum frequens error , ut morbi causam statuunt id , quod præter Naturam in iisdem detexere ; quanvis id ipsum sæpius effectus sit , quam causa morborum. Idem iudicium esto de observ. vj. Lib. 1. *Boneti sepuchr.* ubi cadaver post hunc morbum exhibebat Hepar magnum & obstruatum , Vesicam felleam nigra bile turgidam , Ventriculum humore viridi extensum , Colon flatibus durisque fæcibus expansum , Cerebrum & medullam spinalem tenui lymp̃ha madida. Ut & de iis quæ ibidem narrantur in sect. 14. Lib. 3. de plurimo fero subpallido inter utramque meningem reperto. Sapienter ergo egregius *Wepferus* Mesenterii Inflammationem in simili cadavere a *Spigelio* , & Mesenterii abscessum , totumque abdomen pure repletum a sese detecta , nequaquam ut morbi causas , sed vel morbi , vel præposteræ methodi effectus recensuit. Cæterum sterilis admodum est Historia medica dissectionis corporum hoc morbo

de.



defunctorum : ut causa proxima potius sit ex morbi deducenda phænomenis.

§. V.

Causa  
proxima.

Ex quibus itaque elicitur *Causa proxima* colicæ pictavenfis esse sensim nata exsiccatio, rigiditas, contractio Viarum primarum, maxime Intestinorum : unde fit, ut ultra vix admittant quidquam, transmittantque per Lacteas aut alias absorbentes Venas ; ut etiam contenta alimenta retineant, compingant, cumque suâ ipsorum fabrica ceu unam in massam coadunent.

Quidquid hanc exsiccationem, contractionemque producere potest, poterit *Causæ propioris* munere fungi ; quod pag. 18. 19. 10. 21. 22. 23. 24. allegatum fuit.

Quin hinc vera *Diagnos* Mali, ut mox in Causa proxima dictum. Porro hæc latius explicanda hoc loco venit.

§. V I.

Diagno-  
sis.

*Diagnos*, inquam, sponte patet. Namque acris in ferosâ, crassi in rubrâ sanguinis parte effectus demonstrat morbus. Hæc enim Acidi, Salsi, & Alcalici per sese so-

colorum, & imprimis Scorbuti, tum acidi, tum falsi, tum alcalici, effecta esse magnus *Boerhavius* ex Solis, verissimisque, Artis principiis, evicit. Ex tali humorum prædispositione intelligitur sanguis fieri oleo balsamico orbus suo, ac proinde haud amplius posse per destinatas ab adorando Creatore machinas dimittere blandum illud, unctuosum, mucosum smegma; quod alioquin tam pulcro effectu Oesophagi, Ventriculi, Intestinorumque internos inungat parietes; eosdemque humidos, molles, facile mobiles, atque a pertranseuntibus acrioribus fervet immunes. Jam vero siccescunt hæ partes, rigidiores, motuique naturali peragendo ineptiores fiunt. Nec magis mirabimur hunc scorbuti effectum, quam miramur articulorum crepitum, a defectu olei articulos molliantis, in hoc ipso morbo observandum. Hinc vox aspera fit & rauca: ingestæ alimenta vix miscentur, digeruntur, moventur, expellunturque ægerrimè ex primis viis; nec nisi chyli tantillum per rigidiora, ac contractiora Lacteorum oscula, penetrat; unde compacta tandem massa cum ipsis Intestinis in unum fere corpus coalescit. Atque hinc illæ lacrymæ! Quippe tota vis pectoris & abdominalium

mu-

musculorum defævit in unum Ventrem, ut  
 materia noxia eliminetur. Pulcre notavit  
 hoc *A. Caau Boerhave* in Tract. de impe-  
 tum faciente Hippocratis cap. 10. §. 454.  
 „ Fœces alvinæ aggestæ irritant nervos,  
 „ oritur inde consensus in musculis ege-  
 „ stioni dicatis; inde illorum spasmodica  
 „ & violenta contractio: nec illi soli, sed  
 „ totum rapitur ad hanc actionem corpus  
 „ in consensum, anima retinetur, clau-  
 „ sis viis, per quas ille cœterum liber  
 „ transit, tument venæ, imo vero bra-  
 „ chiis & cruribus nixus eduntur. Do-  
 „ lores & anxietates tunc oriuntur, huma-  
 „ na patientia sæpe adeo superiores, ut, (hor-  
 „ resco referens) violentas ipsi sibi ægri manus  
 inferrent, ni vel animo insitus erga Deum  
 timor, Religioque, vel saltem prudens  
 Necessariorum aut Adstantium Cautela  
 obstaculo forent. Audita hæc compressio  
 in dolorem summum, levia eaque brevif-  
 sima tantillæ indolentiæ intervalla conci-  
 liat aliquando, insensilitate inducta præ  
 nervorum compressione integra; sed, ut  
 dixi, momentanea solamina sunt, com-  
 pressione mox sic laxata, ut vividus dolor  
 denuo percipi possit. Venena, ut plum-  
 bum, &c., quæ incrassando, obstruendo, ex-  
 ficcando agunt, dubio procul eandem In-  
 testi-



stinis dispositionem creant, imo pejo-  
 m, quam scorbutus. Spasmi hinc non  
 do Intestinorum, sed & aliorum Vis-  
 rum Intestinis nexorum, Ventriculi pu-  
 , Omenti, Lienis, Vesiculæ felleæ,  
 ancreatis, Renum.

§. V I I.

Hinc *Vomit* frequens 1. Quia utraque Singu-  
 lis, nec non Pancreaticus Latex, per lorum  
 feriora Spasmo contracta, & Chylo, Sympto-  
 matusque repleta, impeditam offendens matôn  
 am, per superiora cogitur remeare. 2. accura-  
 cidatio.  
 3. Quia Intestinis connexus Ventriculus, ab  
 lem quoque convellatur, contrahaturque  
 esse est. 3. Forſan etiam quia hic viget  
 inexplicabilis Vis animali innata Cor-  
 ti, quæ vomitu sæpenumero promoveat  
 titantem & nocituram in Corpore mate-  
 m. Hærente in ureteribus Calcûlo,  
 vomitus observatur inseparabilis, Vim  
 aphragmatis ac muscûlorum abdomina-  
 m totam, eamque maximam, in unum  
 terminans ventrem inferiorem, seu Pel-  
 , peregrini hospitis pellendi eliminan-  
 ue caussa. Ex nervi octavi paris com-  
 nicatione cum Ventriculo & Renibus  
 licant rem hancce Physiologi; quam  
 can-

eandem rationem & hic loci obtineri Neurologi demonstrant: At vero ut ingenuè dicam, sic facti a Summo Numine sic conditi sumus, ut vix dentur in Corpore alicubi affecto partes, quæ angustia dolere partem sociam torpidæ atque otiosæ patiantur. Non solus ipse hic morbus sed mirus Parturientium Nixus, totaque Animalium Historia stupenda hanc in rem adferunt: quæ retulisse omnia hujus loci non est, foretque tædiosum.

Neque abesse *Febris* major minorve potest; quia impedito plurimum per contracta & compressa in Abdomine vasa humorum Circulo, reliqua Corporis vasa longe plures copia humores, eosque acres excipere ac propellere coguntur.

Hiscæ symptomatis aliquando jungitur *in Abdomine Convulsio*. Quum enim toturam ipsam superans dolor plerumque hic nascatur, qui proximus ad Convulsionem gradus; utique vera harum partium, iisque vicinarum, oritur Convulsio, ut toto corpore concussio fere sentitur: Quamobrem haud immerito a quibusdam *Convulsiva* nuncupatur Colica.

*Ventris introtractio*, contra quam in alii colicis, observatur. *Piso* & *Jungken* jam observarant hunc morbum *cum Umbilico*

quam



*quandoque introrsum contractione contingere. Wepferus* paucis, sed accurate satis, hoc explicat. Nempe spasmodicè contracta, imo & convulsa Intestina, in spatium longe arctius molem contrahunt suam. Ita ut ego ipse macilentissimi hominis ventrem examinans, Intestina tenuia dura, tensa, repleta, nec digiti minimi crassitiem æquantia deprehenderim. Auget quoque hanc Ventris introtractionem validissima abdominalium Musculorum, ad pellendam noxiam materiem, contractio.

Tum & *maxima dolorum violentia in ambitu umbilici, pauloque supra eundem.* Quotiescumque hosce Martyres exactè interrogavi, semper hunc locum præ coeteris torqueri, & dirè ceu terebra perforari testantur. Duplex autem Causa est. I. Quia prementibus validissime Diaphragmate ac musculis abdominalibus, spina dorsi intra cavum abdominis multum eminens, resistenciam pressis introrsum Intestinis majorem, quam equidem ad Latera, creat. II. Quia Colon transversum hic decurrens, foecibus insigniter, ut mox patebit, infarctum, compressionem hanc, adeoque & dolorem, sua & mole & duritie immanè auget; Intestinis jam adeo dolentibus, hic ceu duo inter præla pressis.



*Alvus obstinatissima* est 1. Quia in aridis, & glutine naturali destitutis Intestinis, dudum cumulatae, propelli impotes, hæserunt foeces. 2. Quia præ vi doloris acerbis, Intestina, ut & Vicinæ partes, magis sese magisque contrahunt. *Wepferiana* docent experimenta. In naturali statu vis Diaphragmatis, & musculorum abdominalium, totaque animæ retentio, eo collimant, ut, superata sphincteris ani vi, foeces corpore eliminentur. Hic quidem eadem vis abdominis & thoracis maxima editur; at vero tanta est, & insuperabilis adeo, contractio Intestinorum, ut prior illa vis quantumvis maxima, huic sit longe inferior, adeoque inutilis, ac frustra defatigans.

*Ani constrictionem, & quasi sursum intro- tractionem, Piso* aliique notarunt. Id ipsum ego quoque in tribus, quibus ab initio adfui, observavi. Rectum quippe Intestinum habet fibras longitudinales, & validiores & rubras, ut pulchrè describit *Vesalius*. Ligamenta tria Coli tendinea ad Rectum discedunt, dilatantur, explanantur, super totum Intestinum rectum; quod apud *Cowperum* & *Vesalium* rite depictum. Modo nunc ponatur Colon scybalis duris refertum violente dolere, contrahique, in

quan-

quantum possit, cum reliquis abdominis visceribus quoque convelli; miri profectò nihil quod per sua tria tendinea, eaque fortissima, Ligamenta, retrahat ipsum Rectum, cujus longitudinales fibræ, ut dixi, ab tendineis coli ligamentis oriuntur. Ergo tunc quasi disparebit, syphone vix periundus, anus.

Quæ interim post longa & toediosa momenta forte fortuna subin egeruntur *foeces*, eæ duræ sunt, albescentes, in scybala parva, ovillorum stercoreum instar, divisæ. *Duritiem* habent a mora quam traxerunt in Intestinis, liquidiore interim parte per lymphaticas, & præcipue per Lacteas venas, hinc inde adhuc patulas, furtim abingressa. *Colorem* ex flavo album nanciscuntur, eoquod Bilis affusio in Duodeno retardetur, & versus inferiora, oppletis omnibus, descendere nequeat. *Parvitatem* mutuuntur ab Intestini contractione. *Figuram* ducunt a contractis Coli cellulis, quas Ligamenta tria Coli contracta formant.

Tum & *aspera* seu *rauca* vox pluribus. *Baglivi* observatio est. Quam & ego eam in nonnullis deprehendi. *Citesius* & *Milo* Vocis *clangosæ*, *strepentis*, imo *obmutescentiæ*, sive *perfectæ aphoniæ* meminerunt.



runt. Hujusmodi hominem & ego vidi. *Raucedinem* facit 1. Defectus sensim increfcens debiti hisce locis glutinis naturalis, quo alioqui lubricitas eisdem concilietur, & mollitudo. 2. Acer vomitus has partes continuo transiens, &, quidquid mucii naturalis residuum adhuc erat, omnino auferens, adeoque ficcitatem capiti asperæ arteriæ creans. *Aphoniæ* causam reor, quod jam tum in Nervis recurrentibus paralyseos futuræ signa prodroma adsint: Vel quod in plethoricis hoc morbo decumbentibus, imo & citra plethoram in hominibus raptum cruoris violentiorem versus superiora, ut in hoc morbo fit, perpetientibus, sanguis majori copia arterias subclavias & carotides subintret; ac proin Nervos recurrentes, aliorumve huc appellentium nervorum ramulos, comprimat.

*Amaurosis* quibusdam fit, compresso forte Nervo optico ab arteriis ipsum immediate ambientibus, & arteriâ per mediam ejus substantiam decurrente, admodum infarctis: quippe supra constitit, præ Arteriarum ex aorta descendente oriundarum compressione, multo plus cruoris per arterias ex aorta adscendentes superiora petere oportere.



*Vigiliæ* fere perpetuæ adfunt, oriunturque a violentia dolorum totum genus nervorum præcipue in abdomine afficientium. 2. b insigni acrimonia cerebrofos nervos perpetuo vellicante. De his vigiliis mox latius.

*Convulsiones totius corporis* sæpe adfunt erennante vi morbi, eæque violentissimæ; unt, 1. a Vigiliis, ut passim in morbis cutis observare est. 2. a Repletionem nimiam aforum Encephali; Arterioso Cœliacæ, Hepaticarum, Renaliumque Arteriarum sanguine retardato plurimum, impeditoque. 3. ab humorum acredine nervos perpetuò irritante. 4. à communicatione quam abdominales partes cum toto corpore habent, ope Nervorum octavæ Conjugationis, & Intercoftalis.

Posthac multis accedit, prægressis ut plurimum validis artuum doloribus, *Paralysis incompleta*, cum *perfecta* motus abolitione, vel *imperfecta*; artuum *supernorum* solummodo, vel & *supernorum*, simul *inferiorum*. Quibusdam oborta Paralysis, sævus Colicæ dolor remittitur; Nonnullis autem omnino exfulat: quam ob rem allegatorum autorum plurimi eandem censent *Colicæ pictonum Crisin*. At vero perperam sic censuisse reor; quum plures viderim, quibus post Paralyfin Colica,

qua olim sævitie, perennaret, aut si quandoque remisisset pauxillulum, mox ferox recrudesceret. *Incompletam* dixi *Paralyfin*, quia sensus, nec non modicus tepor plerumque adsunt, imo obscurior nonnunquam motus superest; licet hic integrè sæpe perierit. Si contigerit nonnullum superesse motum, observatur *Label* ut plurimum hæere ad Extensores digitorum communes, ad Supinatores, at Pollicum extensores, abductores, adductores. Sin & pedes occuparit *Paralyfis* cum superstitie tantillo motu, advertitur potissimum in musculis crurum extensoribus: ita quidem ut ægri decumbentes varios quidem motus dextrorsum, sinistrorsum, sursumque, genua movendo, peragant, at extendant ægerrimè; insister vero iisdem, cave saltem movere eredi nequeant, & , ni suffulseris, genuflectant, natibusque humi concidant. Ubi autem perfecta in artubus abolitio motûs miserando hercle! spectaculo, artus, veluti emortuæ partes, trunco hærent; & tandem plusculum in melius vertente, aliquis, isque admodum obscurus, motus paulatim deprehenditur in humeris atque femoribus, dum interea perseveret, pertinax diu, Paralyfis iisdem, quas mox nar-



ravi, partibus. Tum simul *Eminentia duriuscula*, mobilis tamen plerumque, sex septemve ut plurimum lineas lata, observatur prope Carpum, in medio Metacarpo, eo præcise loci, ubi Radialium externorum tendines capitibus ossium metacarpi inferuntur, Extensorque digitorum communis annulari Ligamento emerfit.

Horum phænomenon explicationem subnectere adnitar. Ac primo quidem humorum acredine non emendata, imo præ morbo inveterascente vehementer aucta, veri illi scorbutici dolores artuum, quasi ima ossium meditullia obsidentes, percipiuntur, & oleum cellulosum in artubus consumunt. Deinde quum tot diebus, tot septimanis, imo tot aliquando mensibus, miserrimus aeger torqueatur, nec toto illo tempore fere sumere quidquam, quod non actutum revomat, possit; profecto novichyli vix tantillum inquilino admiscetur sanguini. Acrior hinc fit in dies sanguis, vix quidquam ultra secernit, fere nullos spiritus gignit, quam ob Causam omnia collabascant necesse est. Quin & suboriente Paralyfi partes a spirituum promptuario remotiores longe minus spirituum adipiscuntur; unde & artuum extremorum major intelligitur paralyfis. Quam ob ratio-

C 4

nem



nem porro expositis supra Musculis præ cæteris manifesta sit, difficilioris indaginis est. An Nervus brachialium tertius, qui *Circumflexus* vocari posset, & ab *Eustachio* Tab. 19. n. 2. 45. & Tab. 20. n. 2. 43. delineatur, necnon a *Columbo* lib. 8. rite describitur, lucis nonnihil adferet? Is quippe transit sub axilla, & circumflectens sese circum posteriorem ossis humeri partem, capita *Tricipitis Extensoris* perforat, deinde emergit in cubitum, longoque itinere procedit sub *Supinatore* longo, ac tandem emergens fit subcutaneus in dorso manus, inque plures dein digitos terminatur. Num ergo tortuosum iter, quod præ cæteris hicce Nervus metiri cogitur; & partium, quas circumire perforareque debet, rigiditas, obstaculo sint, quo minus ille spirituum, præ reliquis, excipiat? At vero cur *Paralyfios* in pedibus similis deprehenditur modus? Certe Nervus *Cruralis*, quem antequam inguine egrediatur, *Iliacum* vocant, ortus ex tribus vel quatuor nervis *Vertebrarum Lumborum*, per medium *Psoam* transeuns, ad femur pergit, inque musculos anteriores femoris ac tibiæ dispescitur. Utique hic Nervus in hac abdominis tortura & coarctatione vehementer compri-

matur

atur necesse est, hincque præ cœteris  
 elligitur languescere. Porro *eminentia*  
*bilis*, qua de dixi, in metacarpo hæ-  
 ns, videtur dicenda *Vitiosa mutatio*  
 embranæ, ipsum digitorum extensorem  
 volventis. Hæc tamen motui exercendo  
 erumque non officit; quum plures vide-  
 m, qui quarto, quintove post sanatum  
 orbum anno, superstite hac eminentia,  
 ptilioribus motibus manu exercita pera-  
 ndis omnino essent. Non recordor ul-  
 i hujus tumoris ad Carpum in paralyfi  
 e mentionem legisse, nisi apud solum  
*laterum* in prax. tom. 1. pag. 300. qui  
 m oriri censet, vel ab extenuatione cir-  
 m-jacentium partium, solis prominenti-  
 as ossibus, & jam majorem præ sese fe-  
 ntibus extuberantiam; vel etiam a Cal-  
 , Nodove, hic loci frequenter enato;  
 erum tom. 3. pag. 209. 210. censet no-  
 hos immobiles esse, quia subjectis ossi-  
 us insistant firmiter, eosque, si articu-  
 is occupent, motui eorundum obesse. In  
 nis hominibus tumorem hunc primo  
 obilem, deinde immobilem, deprehen-  
 , eumque motui aliquantulum officere;  
 reliquis inveni mobilem, nec motus tur-  
 antem. Magnus *Boerhavius* Brachio-  
 m Paresin explicat ex communicatione,  
 C 5 qua



qua cum Nervis per abdomen dispersis communicent in collo Nervi Brachiales. Quid porro est, quod hacce communicatione Nervi Octavi paris impertiuntur Brachialibus? Vel quā ratione par Octavum, dolore agitatū, creare paralyfin nervis brachialibus, cum sese communicantibus, potest? Et quomodo tunc peculiaris pedum explicanda paralyfis? An quia Cerebrum tantam spirituum copiam in principio abdominalibus largitum partibus, ut deinceps Nervis brachialibus spiritu replendis prope impar sit? Hoc iterum vix admitti poterit, cum in Amplissimo Viro post colicos dolores admodum mediocres, dira tamen & diuturna Paralyfis subsequuta sit. Imo, citra notabilem doloris paroxysmum, in alio manuum paresin obortam vidi: sed ambo hi erant omnium macilentissimi, & pessimè scorbutici. Profecto infinita semper restabunt, hanc in rem disquirenda. Mutuum Nervorum commercium adeo mirum summus Creator fabrefecit, ut Nos, miselli homunciones, dies noctesque illud rimati, magis intelligamus magisque, quot & quanta sint quæ ignoramus. Forsitan tamen prior explicatio, quam etiam ex *Boerhavi*, id est, Naturæ ipsius, principiis dedi, non-



nihil veri habere deprehendetur.

Tandem pro malorum cumulo *homines consumta omni ferme pinguedine, sceleti instar, emaciantur*. Ratio 1. est, Missio sanguinis, validaque humorum subductio ope fortissimorum purgantium & enematum, quæ sæpe perperam fit ad alvum continuo sollicitandam : hinc fit ingens humorum per inferiora amissio, interea dum dura illa huic morbo propria scybala perpetuo adesse, & in liquidioribus fœcibus sæpe fundum petere observentur. 2. Quia ab prædominante acrimonia dudum defuit corpori oleum illud, quo alioqui pinguesceret. 3. Quia in hoc morbo homines tanto tempore alimenti vix quidquam sumere queunt. 4. Quia vigiliæ perpetuæ adfunt. Rectè enim *Ovidius* : „ *Attendant vigiles corpus miserabile curæ.* „ Nam præcipuam causam ponunt emaciationis. Vigiliæ auctæ & protractæ perspirationem augent, tenues diffillant spiritus, corpora exsiccant. Sequitur hinc humorum tum incrassatio, tum acrimonia, stimulantur hinc solida, unde motus augetur, febris oritur, calor, solidorum detritus, bilis exasperatio, bilis atræ generatio, agitatio, evacuatio : hinc tristitia, deliria, phantasia : quæ pulchrè tractantur  
apud

apud *A. Caau Boerhave* in tract. doctissimo de impetum faciente. Concurrentibus itaque his quatuor causis, cessat tanti marcoris admiratio. Interim hoc notant Autores, quod pingue manuum pedumque hic ita præ cæteris pereat, ut nudis fere ossibus hæreant rigidi tendines, emaciatique Lacerti. An ratio est, quod manibus ac pedibus plerumque minor pinguedo adsit, hancque ob causam consumpta illa majorem extenuationem præ sese ferat? Difficilis explicatu nodus hic foret, si passim obtineret casus: at vero quoscumque ego vidi & examinavi, in iis eorum nihil; at in plerisque corporis partibus summam ubique macilentiam deprehendi. Sed nonnullis fere totus Deltoides præprimis periisse videtur. Num id a decubitu? Cæteroqui muscoli vix perire videntur, etiam in summa Phthysicorum macie: Collabascunt tantum, & fibræ fibræ accrescunt, consumto oleo vaginæ, involventis totum musculum, & singulas fibras.

### §. V I I I.

Curatio, Ad Curationem quod attinet; ea attentionem requirit ad ea, quæ, incognito quidem morbi remedio, vel quæ deficientibus quæ natura fit.

Me-



Medicis , Artisve adminiculis , observata  
 sunt sponte fieri & prodesse : Hæc dedere  
 primam Lucem artifice , quam juxta cu-  
 ram derigeret. Hæc illa magna Sapien-  
 tia , Abſtinentia , Continentia Divi Hip-  
 ocratis in cura Morborum. Observabat  
 le ſemper quid ægro acciderat decum-  
 enti , ubi artis auxilia non aderant. Hoc-  
 ue fundamentum haud minimum Medici-  
 æ inveniendæ , & deinceps in Artis for-  
 nam ducendæ , fuit.

Primo itaque profuiſſe observatur spon-  
 tanea , eaque copioſa , ac diuturna alvus.  
 . Menſes , 3. Hæmorrhoides , 4. Narium  
 Hæmorrhagia , 5. ſudor.

*F. Citeſius* , opere antea citato , notat  
 quod „ ſi alvi ſpontaneum & liberale pro-  
 fluvium accedat , omnem Paralyſeos ,  
 atque Epilepſiæ , reliquorumque gra-  
 viorum ſymptomatum , occaſionem præ-  
 riptat , aut , quod rarius fit , Hæmor-  
 rhois vel Menſtruum copioſius fluat „  
 Quas tamen evacuationes ſi in violentia  
 morbi in decurſu ſuo ſiſti contigerit , mor-  
 bum eo atrocioſorem reddere animadvertit.  
*Viſo* ſudores memorat et Hæmorrhagias ,  
 quæ hos colicos dolores nonnunquam ſol-  
 verint.

Namque alvi torpor quo citius in fluo-  
 rem



rem liberalem mutatur, eo brevioris tutiorisque spes curæ est. Significat quippe spasmum solvi, atque ex affusis humoribus inquilinis Corporis, vel etiam ex potu assumpto & retento fœces liquidas reddi, aptasque quæ expellantur. Est ejusmodi Diarrhæa in Causa ut, evacuatis Intestinis, liberiora jam fluctuent Lacteorum oscula, utque denuo ingeri alimenta, subigi, digerique, & intra humorum massam duci commodius queant. Hoc præeunte profluvio, poterit pergere Medicus ad ea, quæ naturalem mollitiem intestinis restituant, humorum debellent acrimoniam, & novo Chylo spoliatum exsaturent cruorem. At vero mite admodum oportet esse hoc colicæ genus, quod sic solvi contigerit, ut ex Causæ proximæ explicatione facile quis deducet; rarioresque fuisse, qui sic soluti sint, Casus, concludere fas est.

Cæteras evacuationes quod spectat, hæc proculdubio utiles esse possunt, si considerentur abunde id facere, quod cæteroqui S. M. Nam largus Mensium, largus Hæmorrhoidon fluxus, abdomen, ipsaque Intestina, plurimo exonerant cruore, aptiusque spatium vel alvo spontaneæ, vel Emenatibus, conciliant. Narium Hamorrhagia onustum cruore encephalon liberat, quo

to amaurosis, surditas, deliria, convulsiones, futura præcaveantur, nata vero breviter solvantur. Sudor obortus crassos docet attenuari jam humores, aptosque, qui vacuantur, reddi: sed oportet Liquidi boni plurimum jam assumtum esse, retinereque, & cum humoribus mistum, & subactum: alioquin enim sudor minime levans, sed morbi augens Causam, retinet.

Verbo itaque dixerim raros admodum occurrere Casus, quibus hæc evacuationes contigerint, & usui fuerint; ut sponte fatetur qui eos casus tradidere Autores, & que proxima Morbi causa docet. Morbus plerumque Natura major est, longèque pertinacior, quam ut hisce evacuationibus judicetur. Qui vero sic judicaverunt, hos equidem veræ Colicæ pictæ appellatione insigniendos minime summo: acutas potius febres ex Intestino, & aliarumve contentarum abdomine parvas inflammatione natas, fuisse reor; quibus ejusmodi evacuationes salutares & medicas extitisse, post ipsum *Hippocratem* omnia deinceps sæcula Medentes observarunt. Optimas tamen hæc evacuationes esse in vera Pictonum colica, ut testati aliis viis morbi signa, vel solvendi



vendi adminicula , ultro fateor.

§. I X.

Curatio  
quæ arte  
fiat.

Colica pictonum requirit citissime validdissima remedia , quibus causa proxima quam pag. 28. explicavimus, tolli queat.

Si itaque vires validæ sint, V. S. instituatur, eaque pro rerum repetatur conditione; ut humorum appulsus versus superiora tollatur, præcaveanturque sequutura alioqui Amaurosis, Aphonia, Convulsio.

2. Venter mox involvatur Epithematibus paratis ex Lacte dulci, cui sapo ventus, & herbæ lenissime stimulant, V. Sambuci, Chamomillæ, Meliloti, flores folia Hederæ terrestris, Melissæ, &c., haberi queant, recentes, intabuere: V. etiam Cataplasmatibus, quæ, cum farinosa & mucilaginosa parte, etiam hoc lenissimum aromatico stimulo gaudeant: scopus enim horum est emollire omnia & humectare tum etiam blando ac grato stimulo lenissimum motum inducere. Hoc modum nupta farinosis aquosa, calidè adhibita, fibras spasmo contractas humectant, fovent, laxant: his parca manu juncta lenissime stimulantia, lenem motum fibrarum inducunt.



Intestinorum conciliabunt, quo illæ inclusum fugent hostem. Nec est quod quis dubitet, num illa sese per abdomen penetrarent. Vis Emplastrorum Ventri applicatorum, nota omnibus, hoc demonstrat, maxime si Ventrem gracilem esse contigerit, quod passim in acri temperamento obinet. Arthanitæ unguentum manifestò poscitur externo applicatu emollire infarctum abdomen, alvum sollicitare, expellere vermes. Verum incassum adhibebuntur omnia, ni simul ore, anoque, data & applicata remedia duras fœces exsolverint. Hinc omnia externa simul applicanda, internaque auxilia.

3. Itaque Enema paretur emollientissimum, ex Decoctis Althææ Radicibus, floribus, foliis; vel maxime ex tepido Lini oleo, quod tam egregiè contractas fibras laxat, & duras emollit fœces. Hujusmodi clystma ter, quater, quinquies, sexies, 4. hor. spatio est repetendum, etsi oleum vix conspurcatum exierit; nam *aqua cavat epidem non vi, sed sæpe, cadendo.* Aniconstrictio prudentem requirit artificem, qui enemata injiciat; poscitque utilitas modicam injiciendi liquoris copiam, quum alioqui, præ constrictis abdomine & Intestinis, vix immissus elabatur, nihilque af-

ferat opis : Unc. ergo fit quinque, sex, septemve. Juvat quoque Tepidæ vapor corporis inferiora exponi, ani relaxandi gratia.

4. Ore fumantur, ut ut reluctantē vomitu, remedia emollientissima, quibus dicta in arte Eccoprotica jungantur. Manna & Cassia hic usui sint. *Cassie* pulpa innoxium purgans, solvens, non turbans, (nisi quandoque in Hystericis, ut *Ballonius* advertit,) ipsarum puerperarum purgans audit; quia his mire confert, quæ ab aggestis induratisque fœcibus ultimo graviditatis tempore malè torquebantur. Mitis adeo Cassia est, ut *Sanctorius* experimentis edoctus pronuntiet, ab ea perspirationem non diverti, nec vires lædi, sed solum inutile pondus à corpore auferri, aphor. sect. 1. n. 58. *Manna* in Calabria ex orno, ornoglossa, fraxino, exsudans, huic similis est, sed majori dosi exhibenda. Hæc destillatione resolvitur in oleum & salinam partem: unde constat esse ex oleo & sale compositus verus sapo, abstergentis, solventis, lubricantis quid habens. Nonnullis instar Jalappæ potenter, sed blande, solvit alvum. Si itaque *Cassia* vel *Manna* socientur cum Decocto v. g. *Petri Foresti* dicto, quod videsis apud *Forestum*



*flum* Libr. 24. obs. 23; vel cum Decocto *Althææ*, *Graminis*, *Scorzonæræ Racum*, *Taraxaci* totius, &c. habebitur optimum demulcens, emolliens, solvensque remedium. Quanvis semel iterumque nauseabundi ægri illud evomant, magno tamen animo pergere conentur, quum petito usu commodius posthac retenturi sint. At parca manu eccoprotica solven- exhibuisse frugis vix ullius erit; unde generali admodum exhibere illa oportet. *Decocti*, duodecim horarum spatio diguriendæ, iij. iv. Mannæ, vel ij. iij. Cassiæ uncias addito. Mannæ autem prius passim deferimus, quia minus nauseanda, ubi diluitur, quam quidem floccu- ta Cassia.

Sin vero hæc scopo minus satisfecerint, petrantiora mox iisdem jungantur, v. g. *Sennæ* ad dragmas vj. vel unciam unigram. Veteribus laudabantur folliculi *Sennæ*, quos & Galli foliis præferunt, quam minus torminosos: foliis nos utimur. Passim præscribimus *Asiaticam Andrinam Sennam*, foliis acuminatis, ut *Italicâ* obtuso folio præstantiorem. Nauseam illa plerumque creat assu- ti; quam Celeberr. *Boerhavius* addi- *Betonicæ aquaticæ*, sive *Scrophulariæ*



*quarta* FIBROSÆ dictæ foliis, egregie commendari censet. Acta Parisina idem habent. Habet equidem satis nauseosum hæc *Scrophularia* saporem, ac lenem acredinem copiosæ mucagini unitam; sed *Sennis* ad quartam partem addita, nauseosum earundem saporem, hostemque Nervis acrimoniam, multum emendat. Id autem utilitatis involvendone, an alia peculiari ratione præstent, non determino. Quod si *Scrophularia* defuit, *Feniculi* semina addita quoque nonnihil prosunt. Ejusmodi decocti unc. ij. aliquando integris triduis, quater triduisve, quavis hora, dare oportuit, priusquam alvus soluta esset; etiamsi Enemata continuo applicarentur. Usus tamen horum remediorum pertinacissimum poscitur negotium, donec tandem alvus obaudiat, quandoquidem segnius tractata ægritudo mox pessimis stipetur symptomatis.

Contingit aliquando ut, vel præ horrore naturali, vel præ ægrorum morositate, vel etiam præ invincibili nausea, absoluta sit ingerendi Decocti impossibilitas. Hujus proin loco substituuntur Pilulæ, paratæ ex *Gummi ammoniaco*, *Rheo*, *Sapone Venetico*, *Sale neutro*, &c. quæ, ubi ptisana, alio idoneo facile sumendo vehiculo sumuntur, etiam humectandi, emolliendi, dissolvendi

li, blande stimulandi vi pollent egregia,  
& peculiari acrimoniæ e directo opponun-  
tur. At ut Decocti laxantis, ita & harum  
pilularum assiduus esto & copiosus usus;  
ut dragma una alterave singulo Nuçtheme-  
tis spatio abliguriatur. Harum tamen in-  
ferior est, quam Decocti, eventus.

Dum igitur sic internus Venter exter-  
nusque laborioso opere emollitur, laxatur,  
stimulaturque blandissime, dum indurata-  
rum fæcum pars emollita solvitur, & li-  
quefit; alvus primo prodit in stercorea  
materie solutiore gerens multa, exigua,  
rara, albescentia, rotunda, scybala: quæ  
scybala lapsu temporis eo prodeunt raro-  
res, quo ægrorum res magis magisque in  
melius vertuntur.

5. At vero cautela, nunquam negligen-  
tia, horum sub usu requiritur. Vigiliis  
supperæ adesse perpetuas dixi, earumque  
originem, tum effectus, exposui. Vo-  
mitum quoque vidimus sæpe impedimento  
esse, quo minus apte sumi tum alimenta,  
tum medicamina, queant. Tandem consti-  
git genus nervosum immani dolore sic sæ-  
pe affici, ut Convulsione torqueatur. Hinc  
maxima exsurgit *Opii* exhibendi necessitas,  
tum sponte pateat illud his tribus indica-  
tionibus satisfacere. Nec est quod alvi



pigritia ne hinc oriatur quis timeat: quum constiterit satis abundèque opio sic disponi Venter, ut nauseosa assumpta commodius retineat. Egregius *Sydenhamus* in *Scedula monitoria* & pluribus aliis locis, vomitus in passione iliaca medicamentis purgantia respueret, audax Paregorica dedit, & re id poscente, repetiit; donec Ventriculo purgantia admittente, & retinente alvus posthac demitteretur. Opium quoque antispasmodicorum princeps spasticam Nervorum contractionem egregie solvit. Hinc. gr. unum alterumve 24. horarum spatio, pro maiore minoreve necessitate poterit propinari.

6. Ex usu erunt Epispastica fortioribus pedibus, Vesicantia cruribus, applicata. Methodus Asiaticorum, Japonensium, Javanensium, &c. in persanandis Colicis unctione, acrim applicatione, punctione, dolore in sanis partibus felici rerum successu excitans, abunde hoc probat. Videri Nobilissimi *Gerardi van Swieten*, Romanorum Imperatricis, Hungariæ & Bohemiarum Reginae, Primi Medici & Protobibliothecarii, commentarium in §. 650. aphorismum *Boerhavii*. Sicque forsan *Hippocratis* aphorismus 46. sect. 2. „ Duobus doloribus si „ mul abortis, non in eodem loco, vehementer



, mentior alterum obscurat,, intelligendus est.

7. Vinorum usu ægris hisce minimè interdicitur, ubi malum remitti nonnihil ceptum. Docuit hoc & ipse rerum eventus, & ratio. Vir olim podagricus, & am colica pìctonum dirè tortus, bis ter e die haustum vini calidum largiorem se inscio, hausit, nec detexit rem, nisi a vado constitutus. Alter itidem vino bo gallico utebatur, postquam alvus per aliquot dies solutior contigisset. Rei gnatus, tamen dissimulans, cavi sedulo ne darent quid nimis. Videbam hoc auxilio rheumaticam & podagricam materiem sponi, ut blanda diaphoresi eliminaretur; corpore prius liberiore alvo gaudente, & Liquidis plurimis irrigato: Concis quoque vires hinc restaurari citius; & entriculi debilitatem sic emendari, ut aptere denuo ille, subigereque alimenta, digerere posset.

8. Plerumque fit ut alvo sat belle fluente, dolores tamen vix remissi recrudescent. Sempe ad minimam quietem grandioris solis stercoræ materiæ, vel alimenti durioris, prioris ærumnæ renascitur imago; que, ni prompte medeamur, recidivam brevi creat. Hinc ex paregoricis &

laxantibus alternata series juvat , & tum  
 mox Antiscorbutica erunt in opem vo-  
 canda. Acrimoniam enim scorbuticam ,  
 eamque in primis aciescentem frigidam , inter  
 morbi proegumenas causas locavimus , &  
 foecundam Recidivæ exposuimus matrem.  
 Radices Lapathi acuti , Bardannæ , Ta-  
 raxaci cum tota planta , Scorzonæræ ;  
 Herbas Becabungam , Nasturtium aquati-  
 cum , Trifolium aquaticum , Fumariam ,  
 Melissam , &c. forma succi expressi , de-  
 cocti , conservæ , &c. parandas , dare jam  
 expedit. Nasturtium hortense , Rapha-  
 num , Raphanum rusticanum , Cochlea-  
 riam , Erysimum , Sinapi , Allia , Cæpas  
 & id genus plura , studio omittimus ,  
 utpote stimulo nimio tenera vasa forsan  
 læsura.

Quippe inest lenioribus antiscorbuticis  
 dictis herbis verus sapo , seu vis blanda sa-  
 ponacea , oleo , seu mucagine , constans ;  
 & sale volatili : Hinc vero usu deprehen-  
 duntur crassiorum in Scorbuticorum hu-  
 moribus partem saponacea virtute solvere ,  
 tenuiorem oleoso lentore incrassare , &  
 sale suo alcalescente , unito cum sale acies-  
 cente humorum , neutrum componere  
 salem , hacque ratione funditus eradicare  
 scorbutum.



9. Interea vero , dum sub horum usu spirituum tumultus , spafmi hinc inde , Bor-orygmi , & flatus fiunt , maxime quidem a iis qui nimia spirituum mobilitate olim laborarunt ; lenia quandoque neurotica . aregoricis juncta propinentur , quibus inordinati motus redigantur in ordinem.

10. Porro debili manente corpore , etiamfi exposita methodo omnia perbelle procedant , Roborantium usus pofcitur . frequens enim hæc debilitas solidorum tam a curata pictonum Colica , tum a fatigato scorbuto , refidua . Capparis , & Aetofæ Radices , Tamarifci , & Kinæ Cortices , Ferrum , Vina auftera nigra & rura , vitia solidorum emendant , ut antiscorbutica fluida correxerant . Quin Aquæ padanæ , cœterique medicati fontes , ab allegatis laudati autoribus , fummi ufûs funt . Sic tandem curati plerique recipiendis carent , ni mores obtineant antiquos.

Interim tamen alvi femper ratio habenda eft maxima ; quum existente illa vel paululum feigniore , ilico veteris mali ceu reliquię animadvertuntur , & forfan futuri mali femina . Hinc enémata , vel ecoprotica adhibeamus , ut illa porro refiti-



tüatur. Hanc monelam aspernati, deplo-  
rabimus feri negligentiam.

11. Ubi vis morbi aliquantum deferbuit, emollientium ventri applicatorum parcior, stimulantium vero & roborantium, liber-  
rior sit usus; ut, alvo jam libera, Intestino-  
rum fibræ magis sollicitentur magisque,  
quo in contentam, & de integro jugiter  
appellentem materiem, stabili agant operâ;  
ne unquam noxiæ collectiones denuo ali-  
cubi figantur. Quin etiam quo roboris  
plus hi Nervi nascuntur, eo citius atque  
felicius Chylopoieseos, & Intestinorum  
vitia restituentur in integrum. Fumus aro-  
maticus, nervis amicus, Mastiches, Myr-  
rhæ, Olibani, Thuris, Sarcocollæ, Ben-  
zoin, Ladani, Styracis calamithæ, pan-  
nis exceptus laneis, optimi usus est. Em-  
plastra ex similibus, toti Ventri applicita,  
egregia præstant.

12. Sin autem vel præ vi mali, vel præ  
methodo præpostera adhibita, Paralysis  
suboriatur; hæc præter Antiscorbutica,  
præter Roborantia, & etiam præter Ner-  
vina dicta, toti applicata abdomini, re-  
quirit quoque attentionem ad resoluta  
membra. Quamvis enim Abdomen, pro-  
ximam mali causam continens, rite curatum  
sit, manet sæpe labes in artubus, nonnisi  
longe

longo postmodum tempore devincenda. Hinc ipsis vitiosis membris nonnulla est facienda medela. Fit hæc vel Nervum huic parti prospicientem loco idoneo (ubi, etsi remotius, minus tamen recte hæret,) fricando, motitando, concutiendo, vel-licando, afficiens; vel ipsam paralyticam partem varie agitans.

Loca porro idonea sunt:

A. ad *Lumbos*, unde tot nervi varii egredi, una cum nervis anterioribus ossis sacri, componunt magnum illum Nervum Ischiadicum: unde præterea, scilicet ex tribus quatuorve Lumborum Vertebri, Nervi oriuntur, mox composituri Nervum cruralem.

B. Ad *Nates inferiores*, ubi gluteorum maxima jam decrescit crassities; ut ut nim adhuc sat profundè hæret Ischiadicus Nervus, tamen Actio penetrantium remedium eundem afficere observatur; præsertim quum plurimis ejus furculis ad exteriora pergentibus, vis applicatorum pso cum nervo communicari queat.

C. In *Poplite*, paulo supra binos Condyles ossis Femoris; ubi a Compressione alterius supra alterum genu ingratus ille tumor oritur.

lon-



D. In *inguine*, ubi Cruralis Nervus prodit foras.

E. In *Collo*, ubi nervi Brachiales ex vertebrais prodeunt. *Galenus* Lib 1. de loc. aff. cap. 5. narrat *Pausaniam syrum*, qui in tribus digitis servato motu sensum amiserat, è medicamentis satis idoneis, per 30 dies impositis, nihil opis sensisse. Hunc, quum *Galenus* a Vehiculo in dorsum prolapsum esse sciret, suspicatus est, Num forte in primo exordio Nervi, post septimam Vertebrae oriundi, pars quæpiam ab ictu inflammata fuisset, nuncque scirrhosam haberet dispositionem. Ideoque illud ipsum medicamentum a digitis amotum, illi spinæ parti apposuit; unde digiti læsi cum omnium admiratione restituti sunt.

F. In *humero externo*, paulo supra Cubitum, sub insertionem musculi Deltoïdis, ubi tertius Brachialium Nervus maxime nudus hæret.

Igitur hisce locis explicatis poterunt Dropaces, Sinapismi, seu Phœnigmi, & Vesicatoria applicari; ut sic concussus irritatusque truncus nervi major, motum oriundis a sese nervis impertiatur; & ut obstructions hinc inde Nervorum oc-

cu-

upantes involucra , discutiantur , deop-  
ilentur.

Dein partium ipsarummet paralytica-  
um , summe emaciatarum , & exsiccata-  
um , emollitione primo , frictione postea  
& roboratione , multum proficimus. Etsi  
nim præcipua malorum in abdomine sit  
mendenda origo ; nihilo secius si partis  
paralyticæ , quod sæpius fit , Tendines  
nt cum vicinis concreti , si nervuli per  
Thlipsin angustati renascentibus appellen-  
ibusque spiritibus transfluxum denegent ,  
rofecto tunc exposita opera concretiones  
& compressiones solvi poterunt , quo de-  
hum spiritibus & sanguini liber aditus  
ateat ; & membranæ adiposæ cellulosæ-  
ue loculi , synizesi incipiente fere destruc-  
i , aperiri , a se invicem dimoveri , apta-  
ique ad oleum a sanguine denuo excipien-  
um , queant.

Tandem monuisse suffecerit , quod ex  
Natura mali abunde constat , aërem toto  
urationis decursu moderate calidum , ra-  
ione anni tempestatum , servari oportere ;  
iquidem ægri alioqui vel minimæ ejus in  
rigidiorem mutationis pœnas luunt.

Paucorum annorum spatio ægros hacce  
atione inveni numero novem : quorum  
non-



nonnullis ab ipso rei exordio affui, aliis autem serius; ubi alia methodo tractati adhuc pessime cum morbo luctabantur, vel ubi vix paululum emersi, recidivam patiebantur crudelissimam. Ad plures abiit una, quæ multas ob rationes legitime tractari non potuit; alterque ob manifestam Causam recidivam passus est, quæ etiamnum emersus, incipit fanescere. Reliquos omnes sanitati restitutos integræ, summo Numine adspirante, lætus saluto.

Diaria addere, quæ ad amussim quidquid, a calce ad metam, in omnibus hisce ægris factum observatumque fuerit, referrent, animus tulit. Rei equidem, quæ de agitur, Veritas, ipsomet usu comprobaretur: at vero hæcce Opellæ nostræ consulto detraxi; ne forsitan quis ægrius ferret, sui morbi historiam, ut ut cautè descriptam, publicè in hac Urbe prodidi.

Pensum ergo me absolvisse reor, & quæ fidelis observatio docuerat, publici feci juris. Eja! nunc genuini Apollinis filii! velitis, quo estis candore, colligere, inspicereque, quæ in hanc rem congesta a Vobis, quæque observata fuerint. Aliis  
ejus-

usmodi ægris deinceps medentes, & vestra, & mea, ad severissimam revocetis sententiam; & quæ tandem tuta Vobis, & vera, visa sint, ne Orbi languenti credidè invideatis. Vestris sic mea emendantes, talem tandem Methodum concinibitis, qua & huncce Morbum ad eandem, qua plurimos, simplicitatem, reduci, posse, & debere, constabit.

F I N I S.





